

# INNOCENTIUS PAPA XII.



AD PERPETVAM REI MEMORIAM. EXPONI nobis nuper fecerunt Venerabilis Frater Modernus Archiepiscopus, ac dilecti filij Capitulum, & Canonici Metropolitanæ Ecclesiæ Hispalensis, quod aliàs Congregatio tum existentium S. R. E. Cardinalium Concilij Tridentini Interpretum antiquas, acerrimasquè contentiones super Iure visitandi inter Archiepiscopum, ex vna, & Capitulum, & Canonicos exponentes prædictos ex altera partibus vertentes dirimendas suscepit ac proinde proposito inter cætera in eadem Congregatione die XJV. Martij M. DC. LXXXIX. dubio: *An dictus Archiepiscopus possit solus sine Consilio, vel assensu Capituli visitare Metropolitanam, ac Parochiales Ecclesias, & Cappellas eidem Metropolitana Ecclesia annexas, vel subjectas, non obstante quacumque asserta consuetudine incontrarium:* eadem Congregatio die IV. Iunij eiusdem anni respondit affirmativè, ac subinde eiusmodi responsum die XXV. eiusdem Mensis, itidemquè die IV. Martij M. DC. XC. confirmavit: Verùm cum in hac postrema facti, & Iuris discussione non nullis dictæ Congregationis Cardinalibus nempe dilectis filijs nostris Gaspari Carpineo, Francisco Bombisio, Iosepho de Aguirre, Leandro Colloredo, & Fortunato, eiusdem S. R. E. Præsbyteris Cardinalibus Carafa respectivè iniunctis concordia super præmissis placuisset, attento præsertim lapsu quadringentorum, vel circiter annorum, quibus Capitulum, & Canonici præfati priuativè quoad Archiepiscopos Hispalenses pro tempore existentes in quasi possessione visitandi reperiri dicebantur, dilecto filio Moderno, seu tunc existenti eiusdem Congregationis Secretario demandatum fuit, vt concordiam huiusmodi, quam antea dilectus pariter filius noster Franciscus Maria S. R. E. prædictæ Cardinalis Medicis nuncupatus partibus supra dictis proposuerat, felicis recordationis Alexandro Papæ VIII. Prædecesori nostro insinuaret, vnde facta per ipsum Secretarium eidem Alexandro Prædecesori die XIV. Martij eiusdem anni M. DC. XC. de præmissis relatione, dictus Alexander Prædecesor concordia in eundem huiusmodi benignè annuit, illam, dummodo in prædicta Congregatione approbaretur per suas infimili forma Brevis expediendas litteras confirmaturus, vno interim ex Congregationis huiusmodi Cardinalibus pro qualibet ipsarum partium in Arbitratorem electo: Quare vocatis illico prædictum Secretarium ipsedem partibus, eisquè mente ipsius Alexandri Prædecesoris significata, partes præfate concordia huiusmodi adhæserunt, ac modos, & formas, quibus illa iniri posset ipsi Secretario inscriptis tradiderunt, nempe dilectus filius Agens, seu negotiorum gestor memorati Archiepiscopi, non recedendo tamen à Decretis favorabilibus eiusdem Congregationis, & ad normam Concilij Tridentini Comulatiuæ visitationi Capituli præfati cum Archiepiscopo etiam, quoad spiritualia consensum præstare paratum se dixit, salva tamen rati huiusmodi expeditione Decreti, à prædicta Congregatione dicta die IV. Martij M. DC. XC. emanati instetit, dilectus verò etiam filius Agens, seu negotiorum gestor, eorumdem Capituli, & Canonorum pro Decreti huiusmodi retentione instetit, & ad effectum in eundem concordiam proposuit, non denegandum esse dicto Archiepiscopo ius visitandi Metropolitanam, & illi annexas Ecclesias cum duobus tamen adiunctis à præfato Capitulo nominandis, ipsumquè Archiepiscopum per se solum posse visitare in concernentibus Curam Animarum. Interea dicta Congregatio, lecto in ea per tunc existentem ipsius Congregationis Præfectum supplici libello pro parte Agentis, seu negotiorum gestoris dicti Archiepiscopi eidem Congregationi porrecto, quod



quod Decretum supradictum relaxari petebat, die XVIII. Martij eiusdem anni M. DC. XC. rescripsit, quod expediretur Decretum, & postea procuraretur concordia, & partes eligerent unum sibi bene visum ex Cardinalibus dictae Congregationis. Postmodum vero memoratus Alexander Praeceptor Particularem Congregationem trium eiusdem S. R. E. Cardinalium pro concordia huiusmodi super omnibus controuersijs, tam decisis, quam decidendis inter partes praefatas vertentibus pertractanda, deputauit, ac per tunc existentem Auditorem suum Secretario praedicto oretenus prius, ac subinde per rescriptum die XXII. Septembris M. DC. XC. emanatum mandauit, vt ad praemissorum effectum eandem particularem Congregationem Cardinalium conuocaret. Quo circa in vim rescripti huiusmodi in actis dilecti filij cognominati Horelli primo dictae Congregationis Notarij Iudicialiter exhibitis partibus praedictis coram eodem Secretario citatis ad concordandum quamnam Dubia pro particulari Congregatione huiusmodi prima vice habenda essent praeligenda, an scilicet iam decissa, vel potius indecissa; eadem partes per acta supra dicti Horelli decem dubia ex quam plurimis proponenda concorditer se legerunt, quorum thesor, est, qui sequitur. Videlicet: Primo. *An Archiepiscopus possit visitare solus sine Adiunctis Capitulum Ecclesiae Cathedralis, eiusque Capitularium Personas?* Secundo. *An Archiepiscopus possit solus sine Consilio, vel assensu Capituli visitare Ecclesiam Cathedralis, Parochiales, & Cappellas dictae Cathedralis annexas, vel subiectas, non obstante quacumque consuetudine in contrarium?* Tertio. *An Archiepiscopus possit solus, & sine Adiunctis visitare Fabricam Ecclesiae Cathedralis, eius Bonas, & redditus, Mensam Capitularem, fundaciones, & dotaciones, & alia opera pia ipsi Cathedrali aggregata, vel annexa, nec non res, & bona Capituli eorumque Administraciones?* Quarto. *An ipse Archiepiscopus possit solus, & sine Adiunctis tam in actu visitationis, quam extra exigere rationem Administrationis Decimarum & Capitulo, eiusque Administratoribus quauis super illis Archiepiscopus habeat interesse?* Quinto. *An vocante Archiepiscopo ad visitationem, seu in ea demandante aliquid Canonici, seu Praebendati, & quibuscumque Officialibus Fabrica, & alterius operis Cathedralis dictam visitationem, eiusque actus concernens in casu illorum non accessus, & inobediencia possit contra eos procedere per Censuras sine Adiunctis, & quomodo tali casu sese continere debeat Archiepiscopus?* Sexto. *An pertineat ad Capitulum aliquod Ius visitandi iurisdictionaliter Ecclesiam Cathedralis, & alias Ecclesias ipsi Cathedrali annexas?* Septimo. *An ad Archiepiscopum, vel Capitulum pertineat Administratio Seminarij instituti in Ciuitate Hispanensi ad esse in educandi Pueros pro seruicio Ecclesiae, & quomodo, vel cum quo consilio, & consensu spectet dicta Administratio, cura, & regime dicti Seminarij?* Octavo. *An possit Archiepiscopus visitare dictum Seminarium, illiusque Personas, res, & bona, & an in visitatione adhibere debeat Consilium duorum Canonicoꝝ, quos ipse elegerit, vel potius visitare debeat cum Adiunctis deputatis à Capitulo?* Nono. *An, & quam iurisdictionem possit Archiepiscopus exercere in Hospitali sub Invocatione Sanctae Marthae existentis in Ciuitate Hispanensi, & quomodo ipsum, eiusque Personas, res, & bona possit visitare?* Decimo. *An, & quam iurisdictionem Archiepiscopus valeat exercere, & quomodo debeat visitare Monialium Monasterium sub Invocatione Incarnationis Domini existens in dicta Ciuitate Hispanensi?* Porro cum decem dubia huiusmodi in particulari Congregatione Cardinalium à supradicto Alexandro Praeceptore, sicut praemittitur, deputata, & à nobis subinde confirmata, & aucta respectiue, diebus III. Ianuarij, & VIJ. Septembris M. DC. XCI. ac XXVIJ. Iunij, & XXIX. Nouembris anni M. DC. XC. III. proposita fuissent ab eadem particulari Congregatione pro temperamentis concordiae, vt praefertur in eundem emanarunt responsa thesoris sequentis, videlicet. Ad primum ex praefertis decem dubijs: *Quod Archiepiscopus solus visitet cum assistentia, &*

Consilio



*Consilio duorum de gremio Capituli eligendorum ab eodem Capitulo; ita tamen, ut Consilium præfatum oretenus siue in scriptis in eodem actu præstandum non teneatur sequi Archiepiscopus. Ad secundum, ut ad primum. Ad tertium. Quoad Mensam Capitularem, res, & bona Capituli non tamen pijs operibus destinata teneri Archiepiscopum in visitatione adhibere Adiunctos cum requisitis Sacri Concilij Tridentini cap. 6. sess. 23. & in reliquis ut ad primum. Ad quartum. In actu visitationis, ut ad primum, extra vero visitationem ex Iure sibi competente tanquam uni ex interesse habentibus. Ad quintum. Affirmatiuè cum temperamento ad primum ut supra, quoad præparatoria, & respicientia prosecutionem visitationis. Ad sextum. Possè concedi cumulatiuam, non tamen eodem tempore; sed seruata forma Concilij Tridentini cap. 3. sess. 24. Ita tamen ut in contrarietate, seu incompatibilitate Decretorum præualeant Decreta Archiepiscopi. Ad septimum, Administrationem competere Capitulo. Ad octauum. Affirmatiuè iuxta formam Concilij Tridentini cap. 18. sess. 23. vers. & quia. Ad nonum. Possè exercere Iurisdictionem ad formam Concilij Tridentini cap. 8. & 9. sessione 22. Ad decimum. Possè Archiepiscopum exercere Iurisdictionem delegatam tantum ad formam, & limites Constitutionis S. M. Gregorij XV. Inscrutabili la 18. Cum autem, sicut eadem expositio subiungebat, exponentes præfati responsa, seu temperamenta huiusmodi mediantibus eorum Procuratoribus ad id specialitèr constitutis vigore Mandatorum in Secretaria Congregationis primo dictæ, & penes acta supradicti Notarij in publicam, & authenticam formam exhibitorum in forma Iuris valida vnanimitèr, ac reciproçè acceptauerunt, illa vero, quo perpetuis futuris temporibus firmiter subsistant, & seruentur exactiùs Appostolicæ confirmationis nostræ patrocinio communiri plurimum desiderent: Nos inuiolabili præmissorum robori, & efficacitæ quantum cum Domino possumus, providere cupientes, ipsosquè exponentes specialibus faboribus, & gratijs prosequi volentes, & eorum singulares Personas à quibusuis excommunicationis, suspensionis, & Interdicti, alijsquè Ecclesiasticis sententijs, cænsuris, & pœnis à Iure, vel ab homine quavis occasione, vel causâ latis, si quibus quomodolibet innodata existunt ad effectum præsentium dumtaxat consequendum harum ferie absoluentes, & absolutos fore censentes, supplicationibus eorum nomine nobis super hoc humilitèr porrectis inclinati, de memoratæ particularis Congregationis Cardinalium Consilio præinserta responsa, seu temperamenta ab ipsa particulari Congregatione edita, seu proposita, illorumque acceptationem à partibus prædictis factam, ut præfertur, autoritate Appostolica, thenore præsentium confirmamus, & approbamus, illisquè inuolabilis Appostolicæ firmitatis robur adijcimus, ac omnes, & singulos Iuris, & facti, etiam solemnitatum quarumcumque insimilibus, etiam de necessitate observandarum, & alios quoslibet defectus, si qui de super quouis modo interuenerint, seu interuuisse, dici, censerì, intelligi, vel prætendi possè; supplemus, & sanamus. Decernentes easdem præsentès litteras semper firmas, & validas, & efficaces existere, & fore suosque plenarios, & integros effectus sortiri, & obtinere, & illis, ad quos spectat, & pro tempore quandocumque spectabit in omnibus, & per omnia plenissimè suffragari, & ab eis respectiuè perpetuò inuolabiliter, & in concussè observari; Sicquè, & non aliter in præmissis per quoscumque Iudices Ordinarios, & Delegatos etiam causarum Palatij Appostolici Auditores, ac S. R. E. Cardinales etiam de latere Legatos, & Appostolicæ Sedis Nuncios, alios uè quoslibet, & eorum cuilibet quavis aliter iudicandi, & interpretandi facultate, & autoritate, iudicari, & definiri debere, ac irritum, & inane, si secus super his à quoquâ quavis autoritate scièter, vel ignorantèr contigerit attentari. Non obstantibus præmissis, ac Appostolicis, & in Vniuersalibus, Provincialibusque, & Synodalibus Concilijs editis generalibus, vel specialibus constitutio-*  
nibus



nibus, & ordinationibus; nec non quatenus opus sit, dictæ Ecclesiæ Hispalensi, alijs vè quibusvis, etiam iuramento, confirmatione Apostolica, vel quavis firmitate alia roboratis statutis, & consuetudinibus: Priuilegijs quoque indutis, & litteris Apostolicis in contrarium præmissorum quomodolibet concessis, confirmatis, & inuouatis. Quibus omnibus, & singulis illorum tenores præsentibus pro plenarie, & sufficienter expressis, & ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expressè derogamus, cæterisque contrarijs quibuscumque. Datum Romæ apud Sanctam Mariam Maiorem sub Annulo Piscatoris. Die XXX. Ianuarij M.DC.XCIV. Pontificatus Nostri Anno tertio. J.F. Cardinalis Albanus.

*Esta Bula se hallara traducida en Castellano con sus notas en el tom.*

*[Faint, mostly illegible text, likely bleed-through from the reverse side of the page. The text appears to be a translation or commentary on the bull above.]*